

ذكري

كل ذكرى بينا رافضة تكون سراب

كل بسمة مستحيل تكون عذاب

كل شيء بينك وبينني

نار هوايا وشوق حنيني

واللي باقي من سنيني

واللي باقي م العذاب

حتي الورد رفض الميه

والطيور طارت م الغيه

حتي هدومي كمان سألوني

مين بعدك ح يشوفها عليا

مين بعدك ح يدق الباب



كل كلام الحب حزين
على أيام ح تضيع ف ثواني
صعب عليه يشوف إثنين
واحد فيهم باع الثاني
بعد ما كانوا في يوم احباب

حتى الورق قلبه اتحرق
لما عرف بعدنا ليه
وقال حرام يبقى الوداع
يبقى الضياع نصيبنا ليه
يبقى البعاد

كل الناس اللي شافونا
لما شافوني سألوا عليك
شوفت في عينهم نظرة غريبة



بتقول فينو ضي عينيك
خوفت أقول انك بعث
خوفت أقول ان انا هنت
خوفت أقول لا يقولوا كلام
من غير قصد يجرحوا فيك
ومشيت وحدي بدمعة عيني
بماضي سنيني ابكي عليك

ارجع ليا وارحم قلبي من دقاته
قلبي بيصرخ دمعي بينزف
صدقني من بعدك ضعت
صدقني من بعدك ضعت